

四庫全書

集部

欽定四庫全書

學餘堂詩集卷八

翰林院侍讀施閏章撰

五言古

官齋夜月

空庭月色厚皎若雪盈尺俯仰天地間茫茫一虛白獨  
鶴時長鳴修篁露微滴遙憶山中人清光各茲夕嗒然  
竟何言抱膝江潭客

河間城北值楊綱如同年

使君津門來相逢渤海側黃埃各滿面不辨真顏色天  
陰野莽曠羣動漸歸息執手坐草間感舊撫胸臆三年  
越江海九年別京國浮雲偶然合中情去何極天路阻  
且長分飛慎羽翼

盧溝橋值烈風與人颭颭欲仆

平生無長物十年一羊裘疾風吹面裂短袖不蒙頭飛  
埃蔽城郭劃地走山丘筍輿殫衆力如曳千斛舟鐵騎

雜牛車縱橫驚電流  
痛僕畏剽掠魄賊心若抽  
不游燕  
薊路誰識風沙愁  
念彼塞外苦行人更淚流

贈汪郎中苔文

索居良永久戚戚多悲辛  
南發湘江岸北遵易水濱  
攬衣君子堂抗言千載人  
游娛累清夜讌笑瑩心神  
消渴賦子虛相如竟長貧  
策馬登高臺丘墓蔽荒榛  
纓冤更相追奄忽風中塵  
何如清商曲流響激浮雲  
浮雲結不解此意終難陳

訓蔣虎臣修撰贈別

肅肅雲中雁嗷嗷念其羣相去徂九秋竭來彌再旬朝  
出莫夜歸鼎鼎隨車塵素心鬱誰語子實餐霞人憐我  
客游老歎息展憂勤步趾越廣陌臨別歌陽春撫心自  
多感倉卒難具陳人生貴有道飛蓬故有根百年苦畫  
短何事常艱辛行當涉南浦回望西北雲道遠望不極  
嗟嗟良為君

出都懷宋直方宗丞

晨裝遲不發日夜驅我馬飛塵何飄颻悲風來四野逐  
衆苦形疲失儔恨歡寡我有丘中琴長謠誰知者

懷陳允倩

習苦從物役未敢言煩疴心結不能已但為離思多與  
子同曲宴永夕悲且歌相期松與柏不願為女蘿德音  
誰不瑕陽景委頽波英華亦云美當如零落何長懷肥  
遯客頤性棲層阿

德州雪夜同程周量李霖瞻集趙仲啟進士宅

重陰彌四字薄暮迷路蹊下馬不遑食雨雪凝我衣故人具旨酒賓至信如歸華館覆重幔雅饌兼園葵召我心所歡談讌相因依歲寒昵故舊行矣悵乖離將子勉自愛阻濶同音徽

荅程舍人周量

舍人起自南海多京洛之游余識之滕王閣上尋相值衛河出古體三章頗申久要之好故具荅焉

伯牙操逸響抱琴長不彈問君何拂鬱知音良獨難涼

風振江漢天宇高且寒  
鳬雁集中渚皎月依層欄  
竭來佳人會長嘯開襟  
顏浮雲無根蒂日暮久盤桓  
思心若流水竟夕起波瀾

二

明珠出海隅馳光照帝城  
素心恥雕飾力難辭世榮  
驅車向京洛把臂求友生  
邁此梁園客倡和有同聲  
望古未云遠振綏抗前旌  
悠悠行路子中道相合并  
新歡眷良匹妙曲傷我情  
雨雪蔽長河班馬裴回鳴



三

拈匠矜立言雕蟲恥詞賦繁華不終朝桃李非芳樹驅  
車過鄒魯森然垂矩步顧瞻曠已後裴裒喟中路憂樂  
苦傷人鄙哉託章句浮名非所希聊可展情愫與君締  
古歡期為金石固申章告同心白日忽將暮

齊河客舍喜李乂瞻自濟南枉過

時坐事  
奪官

烈風吹荒野積雪成山阜故人從何來下馬執手悲  
喜相慰藉造次命杯酒自出袖中詩感慨時時有麒麟

觸網羅黃鐘賤瓦缶文士常輒軻命在敢不受觀君試  
多艱壯顏未衰醜忍性齊愛憎韜光冒瑕垢丈夫飽萬  
鍾何如擁二酉喟彼無根蓬東西各奔走登塗發浩歌  
哀猿叫林藪

望蒙山

百里劃青冥千峯橫岵嶸掉尾逼海沂昂首趨岱嶽白  
日寒欲暝陰霞炯未落山川鎮魯邦靈異此棲託露泣  
巖際茶雪翳磻底藥游子倦攀躋悵望倚寥廓

金  
卷八  
悲野雀

行經沂州有餉鵲者哀其義不忍食或曰州人捕  
雀為業嗟乎蕪田不耕羅及野雀作詩示州人

枌榆繁羽族瑣細無定名所謀非稻粱不與雞鶩爭張  
羅始何日遂使風俗成機發盡掩覆一羅殲羣生持此  
飲啄具充君鼎俎烹苦慚託體微不足一杯羹同類為  
啾啾失侶長哀鳴君輟筵上箸請聽簷外聲

沂州將謁王休徵先生祠不果

王公祥故宅在白沙里相傳臥冰處人形宛然今稱其河曰孝河產魚最嘉

客行琅邪道北風吹客衣音徽懷往詰至性使人悲傷  
哉貧無養坐愁甘旨虧解衣臥層冰雙鯉躍清漪至今  
臥冰處伊人儼在茲河魚為之美千載永孝思白沙有  
舊里歸然存古祠日暮不能往修途何成遲臨食進魚  
膾三歎中心違

河北生日

轉側忽不寐攬衣中夜興念我懸弧日愴然悲撫膺弱  
齡慕曾閔敢曰余未能中塗多岐路駕馬媿騫騰簡書  
命行後振策踰高陵修坂被衰草陰崖雨雪疑憂來一  
隕涕衝颺結為冰少壯無須臾頽病坐相仍慎爾日將  
昃春華無足稱

歲暮使過里門

于役過鄉國歲除歸敝廬久行成遠客親舊盈門閭握  
手各言老尊酒聊相於沿溪有草閣峻嶒百尺餘階前

紅藥茁雪後寒梅疎延目俯清曠中腸還鬱紆自顧為  
浮雲臨風難久居豈敢薄纓組筋力已不如慚非丘園  
士明發當脂車

雙塔寺

在敬亭之麓昉自黃  
蘗禪師一名廣教寺

林麓依崇巖松雨灑衣濕雙塔如老翁蒼顏比肩立上  
有玉局銘摩挲隔層級摧殘劫火餘風雨百神集裴守  
修招提棟宇蔽原隰至今榛莽中遺礎累百十事往鐘  
磬稀夜闌龍象泣黃蘗邈難招白雲時出入舊井有靈

泉修綆誰當汲

追悼王于一

南州舊布衣賣文取一醉我獨飲君酒高歌畧文字知音不在言執手各含意寧知是死別相憐已相棄白骨返故鄉妻子有餘累努力念平生為君卜幽隧游魂當歸來遺草多在笥日落章江水盈盈故人淚

天涯路

天涯望不極盡是行人路日日換行人天涯路如故渺

渺白雲遠萋萋芳草暮來者知為誰但見行人去

生日客讌詩

庶類皆吾徒好生帝所與鋒刃更相尋殺機簇鼎俎一筵殄羣命所甘能幾許口腹成江河橫流不可禦割鮮日狼藉歡娛變辛楚味多禮數煩偃僂疲客主何如真率會高談送芳醕五簋與三養儉德有成矩我久戒特殺賓至時一舉蔬茗佐肴核隨興命歌舞及我所生日劬勞念父母蚤孤養不逮摧心淚如雨吾既愛吾生彼



詎甘就金臨縛爭哀鳴札札相告語未死神已泣

見坡公戒

殺斯言觸肺腑寧敢佞浮屠饕餮憐盡取蘋藻薦神明  
至敬非簋簠百拜告賓筵同心勿我吐

此日足可惜寄劉潤伯

此日足可惜朋舊罕親密我今四十九君年五十一離  
居已七載寄書豈能悉聞子官閩州緩帶自暇逸珊瑚  
截作枕蘭蕙葺為室賓僚就談讌咄嗟豐饌出侍立環  
歌兒琴箏間笙瑟為樂當及時長夜歡未畢大海戢鯨

鯢羣盜猶蟻蝨幕下喧筦絃城頭吹觱栗歡妍不駐年  
安能髮如漆與君昔同學少小命儔匹野館傍藤蘿寒  
燈連蟋蟀共被眠繩牀學書爭禿筆壯長各飛馳浩蕩  
違衡泌愍予劣蒲柳飲食倚參朮燕臺與歷下握手散  
積疾官貧無長物所得是憂慄扁舟泊淮徐繫纜尤相  
暱蓬窗酒既闌夜語還唧唧前年得汝書雙淚霑短帙  
去年書寄汝路遠恐遺失猶傳五馬客蹉跎滯吳質  
謂吳水祇今但回首那得遽促膝昨聞買新宅相鄰如比櫛

爾我方東西何時對蓬華我今齒半落肌膚無一實不  
惜就衰顏所嗟疎道術早梅花爛漫幽壑泉沕湑好鳥  
為我鳴春氣甘如蜜願言同一觴游娛永茲日東望九  
仙山恍惚見率律

意本作書數行耳忽用起句遂成長  
詩至野館傍藤蘿寒燈連蟋蟀不覺

泣然憶疇昔一樂  
相共時如昨日也

臨江荅毛大可留別二首

滄江涵宿霧蕭摵改春暉庭柯澹含華汀草寒且遲臨  
觴遲所歡竭來言當歸客游信云久惆悵沾棠衣衆鳥

雖咬咬同聲曠已稀朝遵楚江涘送子越江湄揮手不  
能語佇立孤蓬飛

二

夕讌夜已闌持觴各忘餐佳人貽我曲逸響激哀彈糾  
結膠不解含意良獨難九畹存孤根孰云日以蘭淮南  
及吳會攬袂多故懽薄言往從遊江漢何漫漫道遠亦  
孔邇輟棹且盤桓

谷村宿李司馬宅

羅文恭李忠肅諸公故  
居皆在此又近石蓮洞

宿莽盈四野谷口始良疇  
千家接烟火參差隱林丘  
源泉出澗底春漲通江舟  
微雨山欲暝白雲暗淹留  
故人好亭館尊酒娛客游  
伊昔聚英彥蔚生此山陬  
精靈森未墜喬木風颼颼  
寄言石蓮洞杖策期高秋

宿小江口

春流漲夕景引櫂迴江磯  
洲渚芳杜沒烟火前村微  
暖曖數峯見杳杳孤帆飛  
長江緬千里遠送何人歸  
澄波漾皎月窈窕生清暉  
客行忽云久庭花應已稀

乞歸

守官多闕務牽迫成憂悲陳辭就憲府乞放東山陞大  
匠無廢材泛愛垂恩私謂我方壯強掉頭去何之衰疾  
不待老蒲柳先秋萎君看余齒豁及今歸已遲榆光幸  
未暮藥石倘可治再懇乃逢怒切責多厲辭狂罪信莫  
贖素心耿難違漆園甘曳尾北海思拂衣終當凜覆餗  
長嘯掩荆扉

楊孝子刲股詩

孝子名天錫豐城諸生  
其母絕而復甦者七日

誰言一片肉報得三年乳誰言七日甦寸心不終古慈  
烏口流血濕盡墳上土黃泉母有知雙淚亦如雨

夜赴池港

時追送  
督府

高下開水田農人急春務向夕倚柴門歸犢識村路我  
行過其野斜日挂高樹期會爭俄頃未暇論朝暮潦深  
阡陌改野曠東西顧惟看馬跡多知從此路去車前豈  
無騶領上已垂素始覺閒居好高眠散情慮

舟發南浦却寄熊司馬

春節既云邁流光不可攀獨餘野花好叢生江岼間雖  
非蘭與蕙聊復解客顏白鷗眠近渚見人猶未還因憶  
湖上叟草閣東湖灣高詠躡彭澤目送浮雲閒惜哉難  
與俱濯纓臨潺湲

贈子韶南遊贛江

有客黃山來長吟抱綠綺手揮廣陵散坐我雲壑裏行  
行十八灘水石相清寒臨流操別曲愁見露華溥

月夕登虎瞰山



緒秋方薄寒暝色散平楚振衣肆行遊樓雉瞰沙渚輕  
颼汎迴波圓景照孤嶼容與蘭漿移杳冥水雲舉燈明  
烟樹中夜靜覺人語遐矚豈無懷流光悵時序

江亭夕眺寄黎左巖前輩

清颼散宿霧返照明層峰雲歸修渚濶木落澄潭空丹  
黃辨橘柚窈窕睇芙蓉所思不可見心賞冀誰同伊人  
臥南浦夙昔耽喬松晞髮俯滄海飛策躡華嵩顏齒得  
顏駐長嘯甘身慵西山有芝朮寒棠逝相從

舟行曉望

層巖淡空霽疎柯露稍稀朝雲懷故岫未忍隨雲飛  
田家始烟火野老開荆扉林景何爛漫霜葉含清暉  
詎知遠行客中心如渴饑

雪中寄楊商賢諸子

落葉積空庭林鳥斂雙翅此時雪蒲山正對寒江  
寺文墨日以煩遲暮忽將至誰登洲上閣携壺共一醉

東熊漁濱金牛寺

夜聞淅瀝聲微霰灑竹柏朝來庭戶間坐見南山白  
躊躇何所懷忽憶精廬客疎檻臨長川幽泉瀉白石不有  
物外人誰當共晨夕

寄關中田夫子

時為刑部郎  
中久不調

昔別在吳會垂老入京國馳情展契濶解裝不遑食入  
門何傍徨下拜淚沾臆人生若飛蓬別久不相識凜冬  
多烈風歸鳥無停翼中夜把酒漿歡娛還歎息豈伊怨  
離居嗟嗟懷令德彈冠媿早衰狗祿非我力鬱紆難盡

言佇立忘南北

二

江國多愁思霜嚴楓葉衰客從關陝來遺書前致辭既  
傷天路阻還惜良會稀噉噉嶺猿嘯噉噉鴻雁飛含情  
來橘柚所思天一涯物微遠莫致長歎淚交頤白圭苟  
不玷策名揚清暉毋為感留滯惆悵吾道非

懷浮山詩寄藥公

我聞浮渡山好峰七十二削巒排空冥窈窕鑿深翠石

洞窮雕鐫森然百物備窟龍自雷雨山鬼棲薜荔巖高  
倒景明下見浮雲墜出沒隨江烟虛無不在地與區為  
誰造靈蹟此中閔中有冥心人高言越世事抉剔開混  
茫乾坤受軒輊我性癖丘壑馳情有真寄行將策杖遊  
餐霞破憔悴

春寒

江臯芳杜出蘭渚餘花飛攜手臨高臺猶未成春衣柔  
條雨雪苦黃鳥和歌稀命酒發歡宴令節少良時良辰

有淹速心賞君莫違

送王公搢之閩中就故人劉潤伯

少年強解事奮舌論聲詩盛年如流水一往不及追守  
窮悲氣結狗祿傷神疲出處共老醜江海還別離瘴鄉  
今暑雨客子傷鯨鯢恃有平生友傾身憐故知金盤薦  
丹荔仙岫攀武夷行矣四方志毋為牖下兒

送徐叙公還里

澄江見白石秋草辨芳蘭結友不在多久要良獨難送

子返故鄉念昔同憂患濡翰各縱橫壯志仰天歎過從  
無主客自索中厨餐離居重良會千里憐舊歡素襟兩  
不易蘊懷無時殫盛夏五六月永嘯天風寒黃鵠會當  
舉橫絕浮雲端誰為感垂翅使我心憂酸

流人篇

閩海多流人江甸多蕪田不肯自力作拱木生田間流  
人鳥獸來野宿餐寒烟仳離憫喪亂父老為泣然保聚  
使荷耒緝茅依山原種蔗復種芋地利餘金錢浸尋立

雄長倡和成聲援逋租陵土著攘臂相怒喧百千勢莫  
制殺牛燒屋椽驅除既不可馴致釀亂源當塗重闢土  
吞聲莫敢言

奉寄

關

公為余作愚  
樓對就亭銘

嶰竹無凡吹曠曲不虛操寄言何偉麗丹霞曜層霄深  
衷三致意斯文傷寂寥凌雲聳絕軌眷謂予聯鑣沈雄  
子雲賦排側靈均騷念茲言馥郁感君心鬱陶登樓望  
吳會江漢邈招要威鳳翥丹穴野鶴鳴林臯音響苟相



追寧知天路遙

贈郭生入回

郭生梗概人踽踽託巖穴躬耕原上雲坐嘯松間月長  
貧謝婚宦聚書療飢渴晚食饜寒泉掉頭耻干謁強致  
與我俱苦辭人事拙埋照外無營析理中不竭通儒薄  
固窮獨行久凋歇嘉此介士懷不緇如積雪

晨登西山絕頂尋香城舊址

有古硯石講經  
臺前對蕭仙峰

秋景麗崇巖褰裳拾往蹟翩翩無心雲遲我遊嘯客崎

巖千仞峰傑構想疇昔硯石苔蘚青經臺瑤草碧遠影  
辨江湖清飈厲松柏前峰吹玉簫羽人在咫尺冷然思  
御風願假雙飛翮

東湖

湛湛東湖水皎皎西山峰白雲自西來散落澄波中綠  
陂漾蒲葦被浦紛芙蓉岼傍孤兔穴蕪沒悲故宮徐亭  
及蘇圃髣髴存遺踪纁帛豈不美蓬藿孰固窮長懷希  
二子高軌誰與同千載洲渚上為君生清風

澹臺墓

子羽善含章梗介蘊雄略高步薄詭隨棲遯芒屨寥  
寥衡門內絃歌時間作中流怒雙蛟長嘯氣不忤揮劒  
復碎壁慷慨何卓犖寧知渡淮泗音徽播文學豐碑湖  
山涯古祠照城郭洋洋江漢間流風一如昨

學餘堂詩集卷八

欽定四庫全書

學餘堂詩集卷九

翰林院侍讀施閏章撰

五言古

寄雲樓

長堤累白石草閣臨澄溪欲收衆山色不惜千尺梯前  
看北樓並迴矚昭亭低雪月遞照曜嵐雨無端倪春流  
漲丹壑芳草開新萋人閒物亦靜迺屋幽禽啼驅馳垂

二紀自顧何栖栖金門晒方朔首陽苦夷齊此中聊頗  
仰誰知肥遁棲

敘意

初服既云遂勞生思早閒故園仍蕪穢局曲市廛間親  
舊別已久誰能即閉關再拜奉尊酒契濶平生言閭里  
既喪亂窶賤經險艱憂人聞苦語雙淚何潺湲官貧成  
鄙薄徒手多厚顏始自知拙宦不若耕故山羨彼天際  
雲翩翩自往還

省雙溪故園

玉山當我門客夢屢登陟返駕尋園廬路迷不自識傾  
垣無人居佳卉讓蓬棘叢桂忽成圍伊昔予手植婆娑  
汝亦老攀條一歎息勿訝我歸遲今茲就家食壯顏雖  
已衰所未渝舊德誓將聚朋好花時酌爾側倘未窘顏  
齡餘力問耕織

茅山

羽人有窟宅靈山罕儔匹三峰次低昂萬象森萃律積

雪滌崇巒崩雲蕩寒日丹尋長史井碑想隱君筆瑤草  
滋玉泉幽洞扃石室

華陽洞不可深入

層巔巖穴深白晝龍螭

出地肺探窅冥宮觀鬱蕭瑟菌蟪無修期鷗鵬匪脆質  
安得屏紛鶩攝生以寧一餐霞埃何年聊試采芝朮

茅山芮道士山樓懷蔣處臣翰撰

山房瀕流泉高閣相迴屬春寒冰未消林下苔已綠微  
月出東峰靈颺響喬木此中有石牀故人嘗獨宿

同季升阮懷芳鄴集耦長州堂限賦

春霖曠良覲隔巷途已遠眷言二三人游好追嵇阮朝  
陽蕩重雲餘雪明絕歎中國雖就荒蘭芳滋九畹歡讌  
各忘疲義馭忽已晚華燈更曲宴疏酌延繾綣期為石  
室遊策杖踰崇坂瞿矍倘相值遁跡安拙塞

拾桃花釀酒

義馭無輟軌萬族誰能閤營道懼無聞形質亮非堅墟  
桃蔭衡門春榮繁且妍日暮微風交花落何翩翩客言  
收作釀令君好容顏顏好不足恃芳酌娛當年



采茶作

秋蘭佩難久瓊枝何可得懿此敷雲岑含芳有佳色日  
霽露方晞柔葉靜如拭幽人急春務騁興不惜力摘掣  
爭須臾懷袖香不息馳情欲有贈徒望凌風翼

采松花

擘衣陟崇阜側聽寒泉流貞木發春華垂垂散林丘露  
滋衰芳澤風急難久留掇英攀柔條笑與樵者謀薄可  
作糧糗兼令衰疾瘳留侯隨赤松果得長年不未知千

載事今日歡良遊

五日集谿園

夏節餘薄寒清霽園條長休沐戀朋舊曲讌開林莽澤  
蒲沒水裔江流一何廣手中芳醕盈嶺際歸雲往簫鼓  
競彩鷁何如此延賞

完鏡篇

蜀士人妻美而見俘陳子仲獻客幕府憐之贖還其  
故夫賦完鏡篇以志美焉

昔為水覆地今若雲還山中斷復兩合泣涕諧故懽今  
夕是何夕圓月照井榦君子執亮節慷慨良獨難不惜  
雙南金使我琴瑟完撫絃操舊曲慚歎摧令顏願為連  
理枝生君庭戶間

園居

羈宦違素心十年憶雲壑匪謂簿領煩抱憂屢疾作乞  
身翻見迂園林成宿諾清時適省官偶遂歸田樂束身  
免顛躓所得良不薄春林雨澤豐綠筠舒紫箨未能躬

隴畝微勤肆花藥時時招友生高論討風學何以娛我  
懷守真庶無忤

題李鏡月閔賓連遊匡廬圖詠

九江負廬嶽萬古蘊靈奧禹書鑿鴻濛慧遠紀遊眺顏  
然栗里翁醉臥罕同調誰知千載下二彥復長嘯開襟  
臨玉淵杖策窺蘿嶠既暢謝公懷兼愜宗生好九屏森  
杳冥五老聞語笑躊躇鹿洞荒落日起寒燒冲託屬高  
雲幽賞殫衆妙何年跨石梁躡景俯奔峭

反乞食詩和徐野公

一飯甘叩門得官輒棄置萬錢送酒家稍就取一醉邈  
哉百世後誰復識此意客遊日以競乞食義無媿柴桑  
亦偶然下士侈高致舉世罕原嘗作客多憔悴不逢幸  
舍懽或下窮途淚何如徐孺子貧賤能肆志尋山撥白  
雲把卷薄世事我亦倦遊人汎覽窮天地興盡歸田廬  
幽巖蹇薜荔躬耕誠未能灌園聊可試

登吳興峴山飲窪樽亭

前對道場山有  
蘇長公瑤席

雲岫近郊坳幽賞足娛客延目已千里陟巖纔百尺惟  
携步兵酒無煩康樂展亭陰俯石罇林表想瑤席古人  
各盡懽一去皆陳迹烟開震澤明雨集菰城白且復永  
今朝毋為數行役

夾山漾

礪砢經峴首窈窕窮湖甸穿浦盪層雲望山成九面漱  
灑遊將窮孤光開匹練和風衣帶緩擊汰水波濺輕橈  
戛蒲葦欹側信迴轉日晚巖更青洲長樹逾蒨松篁交

曉靄林屋時隱見  
寥芳興屢延怡目  
輒難徧當為汗漫  
遊枕漱從所便

同宋荔裳集嚴瀨亭皋園

阻隔歲將宴齒髮交頽侵見君復銜恤  
隕涕沾重襟踟躕展嬾婉別墅延登臨  
回溪貫湖水近圃緬丘林參差梧竹秀  
凌亂荷葦深微雨緩良讌故歡感夙心  
疇昔在京洛七子相追尋惓惓古人義  
忼慨揚清音浮雲條飄散天路殊飛沈  
英華易凋落煩憂故難任相顧各歎息

嘉會方在今各勉歲寒意無事徒悲吟

遥聞顧赤方見過艸堂

楚江狂客來閩海征夫去中路見君書西湖夢君處君  
去不可留江城雲樹愁舊遊誰見面幾回眠酒樓歡讌  
清歌長老別哀歌短明月各孤舟中夜腸應斷

中秋宋荔裳邀泛西湖值雨

仲秋天氣佳懸裝未忍發素侶懷清暉携樽眷將別輕  
舫漾夕景傾坐佇皎月陰雲昧節候風雨肅毛髮歌管



既繁會素琴彌超越人家在杳靄燈火遠出沒峰影了  
可辨疎光亦未歇多難良會稀即事歡無闕

湖上訓吳蘭雪

積疴得休沐浩然歸田園時念索居久思與故人言萍  
梗一時合步趾枉相存吾衰省百慮章句倦討論逢君  
復飛動有古不及捫西湖雨十日湖水平寺門客舍各  
高坐何由同酒尊青髻日以改白露日以繁還尋舊叢  
桂晚歲當攀援

遲丁飛濤南歸未至

兩度客湖渚悵悵中心違昔君譴絕域萬里歸無期今  
君放田里已發猶未歸行子為踟躕佇策臨中遠依依  
賢子弟雞黍前致辭我友不同歡對酒誰能持嚴飈吹  
客裳晨風已迅飛作書雖累幘何如執手時

贈戴岵瞻廷尉

萬族更相逐百慮不謀身須臾各衰老誰當念苦辛有  
美同懷子靜與高僧鄰雖為金閨彦何異巖扉人匡牀

對風雨兀坐通宵晨自言此中樂勸我學凝神昔別十  
餘載艱悴難具陳逝將洗方寸默守全吾真後凋有松  
柏與子同青春

西陵贈林鐵崖

大塊不噫氣萬物鬱生理壯士不悲歌氣結填膺死與  
君昔相見日落瘴江汜時予使西粵脫身豺虎裏推心  
驚老瘦造次告直指

謂楊似  
公侍御

舟中交慰勞解衣暖我體

往事縈中腸飛光逾一紀西陵斗酒會短髮颯垂耳聞

君官海南梗概何鬼礪神羊自觸奸獫狢厲其齒金仍  
百鍊剛骨銷衆口毀聖世寬網羅恩波忽沾被浮雲不  
歸山愛此一湖水執卷忘田園久客長兒子家無四壁  
立胸有五岳起遲暮嗟美人嬋媛泣山鬼送我遊武夷  
搔首睇桑梓江海方鯨鯢纓組盡塵滓褰裳采芙蓉弭  
節拾芳芷行樂須何時稱心信為美

湖上別荔裳

初荔裳按察兩浙中蜚語連繫  
久始得白年逾五十始舉二子

拭我襟上淚抱君懷中兒君今脫羅網復滋瓊樹枝悲

喜各難言尊酒還共持昔別聞險難寄書憑阿誰當時  
恐永訣此會安可期浮雲無定所偶然會路岐西湖清  
興發情至成新詩客居難永久返駕須何時鴻鵠志千  
里忽為燕雀欺垂翅尚可振天路當奮飛平慎以自愛  
歲晏東山歸

仙霞嶺

皇天限百粵驅山作險阻遂令行路子側足不能語前  
嶺既咸遲後嶺復齟齬回疊衆山合憑陵微逕取雲氣

出我衣去作滄江雨層巔顚來路斷續垂一縷深秋天  
莫寒楓葉照宿莽餐霞獨何人白日生毛羽

過嶺行

入山傍林谷陟嶺多嶙峋哀此僕夫瘁策杖聊逡巡僕  
夫習艱險欲語還悲辛前有驛使過百里起埃塵去時  
若流水來時若連雲婦女雜方物舁載何紛紛行徒無  
休息吏卒不敢嗔莫問所從來問之淚沾巾馬力尚可  
念饔餐用斯人含情相勞苦此意當誰陳

浦城值方樓岡同年自閩歸江南

先是曾謫閩外

人生能幾何一別十三歲況子塞外歸嶺表初把袂悲  
喜紛無端欲語失次第不敢重問訊恐復引雙涕逆旅  
一尊酒開顏好遊憇子念倚閭親歸塗亟鼓柁上堂拜  
阿母盤中進丹荔生還盡懽娛萬里忘迢遞語罷各分  
手飛蓬無根蒂同心良會稀三歎臨水裔

武夷山中作

秋霽林谷靜疊巘明迴谿蜿蜒故相接名狀紛難齊前

峰悅來目轉楫失故蹊白雲亂襟袖咫尺迷東西巔  
石磴斷舍策凌丹梯寧知境迴絕坐見千山低仙巖遺  
蛻骨幽洞聞天雞寒暄谷中變秋盡滋芳蕙寄言魏子  
騫抗跡可招携

二

崇巖多赤峽微雨得寒綠嵐烟作雲海龍象相奔蹙洞  
坼山溜鳴逕懸峰頂禿回巒似鳥巢偃松成蠖屈天梯  
不可窮石榻誰棲宿去櫂歡景延乘流駭勢速坐使蓬



萊淺縮注此九曲悠哉萬古懷挹之不盈掬

歸宗巖

一名小武夷

衣濕武夷雨還登溪口岑巖穴互崩峭石門相欹臨懸  
泉洩微溜衆籟生澗陰洞寒氣逾燠峰迴霧全沈日午  
始開霽亭檻俯江潯荒榛翳木葉靈蹟無人尋下山望  
巖屋但見青松林

登喝水崖

疊壁何峻嶒赤峽露石背崖交古木深洞與流泉對龍

湫忽迴轉靈蹟走茫昧曲磴度巖扃孤亭豁杳靄仰看  
絕頂峰平視滄海外興愜已忘言況與支公會石鼓聲  
逢逢天風吹萬籟我心如片雲悠悠復何在

寄霑化李吉津先生

予使粵西時李亦銜使命  
久之以建言謫闕外故還

昔持金門節邂逅君子顏萬里出關塞孤鶴何時還多  
艱彌近道絕域能心閒忽放歸徂徠瑣屑安丘園刈稻  
釀春酒長歌隴畝間遐託向平志坦率柴桑言相思成  
阻濶蘊懷不可緩臨風附短書高翼誰攀援

欽定四庫全書

同鄭夷仲崔五竺陳  
卷九

集高雲客遺安草堂

同鄭夷仲崔五竺陳  
效僖劉孟大彭爾仁

大海多瓊樹君子懷清暉游娛遂談讌曲坐臨水涯謝  
公有別墅遺構欣在茲藏書纍篋笥盛事傳聲詩華沼  
澄且霽魚藻何參差目寓丘中賞心追濠上時列筵矚  
返景微雨鳴高枝林昏歸鳥集徑濕秋蘭滋古人邈不  
作素心良可期誰能永晨夕慰此長渴飢

答莆陽鄭奚仲

獨歌罕予和放游窮八表豈曰競文辭瞻望惟有道君

家夾滌翁嗜古肆遐討六籍資屏藩百家歸擊考哲裔  
茲繼踵兄弟並國寶時危甘蠆屈懷玉守枯槁著書向  
千峰荷鋤欣一飽何當迴高轍過存吐胸抱載誦躬耕  
詩顏然共忘老

螺女江

竈士苦不飽珍饌忽有餘寧知天帝意窈窕臨中厨物  
色向蓮華室中見好姝既見不可留別去在須臾素女  
有遺贈玉粒長留儲盈盈一江水佇望永踟躕

釣龍臺

寒潮日日至東流無重迴何人此垂釣傳有越王臺山  
川掃陳迹臺殿皆黃埃龍蛇相啖食戰骨高崔嵬嚴陵  
臥不起萬古桐江隈

烏石山

左對九仙山曾子固道山亭記即此  
處有金蟬穴浴鵝池墻桃塢諸跡

舊聞道山亭勝事不可數坐接九仙人低昂如笑語亭  
館付干戈石丈相撐拄蛛穴瀉哀泉鵝池沈宿莽松際  
忽飛霞參差新紺宇廢興如卷籀古今誰記睹不見閩

越王何處尋杯土山郭橫海天秋晴亂烟雨暇時憑竹  
杖重來問桃塢

答侯官高雲客

懷友思卓犖尋山豁拘陋遂杖武夷策冥搜徧巖岫朱  
蔡及李揚先賢共輻輳寒泉既精舍考亭復俎豆豈無  
嗣好音秉德相先後講席乃榛莽斷碑臥猿狖扁舟過  
建江哲人歎不又閩中萃英華闐闐充甲冑颶風捲地  
寒淫雨決天漏吾病倦出門高坐吟宵晝幸有林涵齋

松柏挺獨茂，杖履肯數過。文筆非雕鏤，後勁推高生。斐然擅深秀，聞聲欣夙昔。素心投邂逅，珍饌集良朋。清池足枕漱，洋洋述先德。吐辭如決溜，高詩近十餘言給諫與柱史。

閎閎世維舊，尊甫雖郡僚。獨立睨宇宙，長嘯激風霆。盛勢薄梁竇，拂衣還海陬。清白昭受授，萬卷富藏書。數椽存遺構，有如原田廬。後人恣耕耨，亦如藪澤深。再世足蒐狩，鳳毛寔五色。述作明濯繡，傾橐鮮長物。竒篇仍爭購，雅欲嗣風騷。未肯拾釘鉅，吳越資勝遊。縞紵歡蘭臭。

逆旅有窮交恩勤等姻媾列傳續高士六經紛殫究大  
道謙未遑才俊亦希邁滄海尚鯨鯢被褐苦奔走誰能  
洗甲兵萬里無斥堠中路苦思君搔首吟詩瘦

仙霞嶺見閩婦北行者

故鄉南水去薄命北隨人辭家遠萬里附書無六親誰  
憐眼中淚濕盡嶺頭塵

海民篇

飛藿思故根遷人思故里道傍乞食兒海濱千金子家



世饒田園佃漁給驅使暮操舟出浦朝負魚入市金盤  
列海錯被服紛紛綺廟算清海疆編戶悉內徙骨肉各  
奔散徒步棄行李長風吹西野日暮無宿止蒙袂羞叩  
門接踵吞聲死生時背丘墓歸魂戀桑梓何如委白骨  
東流葬海水

寒夜集畫溪閣

是夕曹秋岳侍郎及項喟雪明府  
招同陳默公計甫草高阮懷時張

濟夫在坐撫絃發  
歌客皆長歎累歎

草堂客既醉曲坐憑山阿  
母亭收衆壑暝色含清波  
齊

心懽彥會陶陶散鬱疴有客傷千春拂袖起高歌朱絃  
奮逸調慷慨一何多悲風從天發萬籟響喬柯坐中各  
歎息憂來當奈何不急傾百觴今夕青髯皤歸途命蘭  
楫皎月湧長波哀樂不能寐中夜舞婆娑

橋李遇計甫草

時見示古  
文詩二卷

我昔官國門計子稱卓犖公車方射策結交滿京洛會  
予適東魯十載成間濶前年逢李生

謂李  
杞瞻

雪夜共斟酌

論詩推爾我心期足遐託今過范蠡湖把臂暢疇昨窮

愁富文字往往見沈著董賈汴源流曾王分矩矱同時

王汪輩

謂王阮亭汪  
荅文諸君

努力互揚摧斯人皆吾友文酒舊

娛樂風流久雲散高歌意索寞安能聚良宴開顏一磅  
礪篇中頗及我姓氏見采掇草木臭味存不埃相要約  
藝苑今迷陽微言變糟粕屈宋賤臣僕遷固遭榜掠標  
榜與訕譏筆舌肆鋒鏑

興朝治寬大文禁尚疎畧詞場兵氣多嗚呼難再作子  
文獨溫厚矢音滌頑薄惜哉驚鳳姿垂翅守林壑吾老

拙篇翰顏然恥雕琢所貴經術深六經增式廊黽勉追  
古人慎勿資酬酢駕水夜含霜吳梅寒吐萼援筆披心  
胸知音未寥落

曾石屋留飲

官筵盛賓客軒蓋紛交錯饌多禮數煩形疲意索寞石  
屋素心人一笑留清酌手自炊胡麻對客開桑落細雨  
坐淹留清歡興磅礴夙志尚無生新詩時間作閉門長  
庭草策杖采巖藥春風日以佳遊目信為樂得閒良不

易誰能自縛束

贈張簣山侍讀

公促我刻講學語錄故答及之

我來揚子驛逢君灌嬰城東山不得臥北轅將載征邸  
寓修主客顛倒歡合并同遊淹永日坐語殫中誠謂我  
有記述盍懸如日星聞言我蹢躅短喙敢長鳴往歲備  
藩牧凋耗愍遺氓灑淚撫瘡痍憂心如宿醒禮樂猶未  
暇爭先食與兵姚江遺澤在俎豆垂風聲漸摩徧耆宿  
往往存典型努力補頽缺同心求友生實維循舊軌匪

曰抗前旌周孔路蕪塞反唇訾六經亡羊多岐路穴鼠  
紛鬭爭感此閑決裂要欲守章程所說皆恒言未足干  
人驚質疑每前席感激亦沾纓良田餘美種一溉吐菁

英賴公及司馬

謂李梅  
公先生

輔翼揭羣盲青原白鷺間接坐

或班荆盤饌費供億冠舄填郊垌問答既反覆語若流  
泉傾執筆雖在旁端緒難分明藏之置篋笥編校愁眩  
睛鹿洞與鷺湖大指本平平至今若在耳丘壑生光榮  
諸賢不我棄書院重經營苦辭幾敝舌華構已飛甍先

生助木石往視無廢停城南見輪奐洲閣同崢嶸公私  
皆懸磬此力豈餘贏我至彌駭汗佇立久屏營既成不  
可毀仍舊祠文成長吏肯修繕

廬陵令于君  
恭翼以長垣

朋舊寢零

丁數子誰墨守空堦已草青忍使絃誦地榛莽穴鼯鼯  
鄙人信薄劣拊心羞噉名以此長太息吾衰誰見聽猗

惟曲江裔奮采為國楨校書窮二酉論才羅八紘

君以  
內翰

典試浙江  
又官司業

讀禮久家食履跡罕公庭拳拳念絕學執手

數丁寧持此起頑懦足以重公卿愧無鈞天奏鴻響破

飛蟲所欽行復遠驅車之帝京願公弘教育先覺非獨醒

從姑山

有羅公芳書屋

武夷風雨夜飛來三兩峰至今雙江渚並出青芙蓉懸  
巖側軒翥絕磴迴龍從一鏤開鐵壁微竇流石淙褰裳  
入深翠坦步凌寒空五岳志不遂茲丘誰與同昔賢已  
徂謝竹樹猶菁葱睥睨向千山獨立肯相從

華子岡

近麻源第三谷



懷幽踐蕪徑瑤草含初榮石門扃虛谷巖屋版層城磴  
無一寸土峽有千歲莖雲飛橫匹練礪響騰哀箏積翠  
交衆靄白日為青冥此中愜棲遁豈謂無仙靈釣臺不  
可辨佇策洗塵纓羽人逝永久延目空含情

贈饒蔚宗秀才

尋源沂盱水旅泊過江曲春陰暮雨寒孤棹成信宿寧  
知潭上村已接樾山麓之子向夜來餽我尊中醪遙指  
讀書堂雲樹掩茅屋言詠開羈愁散帙對明燭嬋媛嗟

美人胡為在空谷

書藥公畫冊

層峰拔天端怪石穿地軸豪末具高深烟嵐變心目過  
橋何處翁倚杖當飛瀑此中誰臥遊五嶽繞茅屋

學餘堂詩集卷九

欽定四庫全書

學餘堂詩集卷十

翰林院侍讀施閏章撰

五言古

舍弟阮兩兒淳恪讀書雙溪

讀書貴聞道靜專靡不成  
送子適園館要使心魂清  
麻姑東嶽業玉山前崢嶸  
庭交竹桂影門無剝啄聲  
溪山足朝爽披豁來聰明  
念此舊廬好先世手經營  
藏書萬

餘卷入室千人英  
仰首接洙泗顏曾如弟兄  
余少苦貧病飢飽倚藜羹  
呻吟雜咕嗶灑掃鋤柴荆  
空樓常獨宿鬼語窺燈檠  
齋居寡言笑槁木捐百情  
哀樂見古人解頤或沾纓  
有作或傳寫童丱早聲名  
撫躬慚不逮心曲中宵驚  
宦遊狗薄祿高樹出檐楹  
歸來巡舊圃攀條淚縱橫  
汝曹今逸樂被服暖且輕  
牙籤烏几淨珍木黃鸝鳴  
詰匠維師友典訓稟周程  
黽勉念祖德慎勿忝平生  
吐詞賁文繡高步追六經  
布衣苟若此何必談公卿  
纏

疴吾久衰踽踽愁獨行高歌拭老眼佇立搔心旌

諸公過看牡丹分得侵字

孫直公高阮懷  
吳聖飛貢鼎夏

虛榭俯碧水晴雲掩西岑紅藥爛庭際良會懽追尋去  
年當此日旅食方滯淫何如敘親舊觸咏開重襟好風  
一迴薄餘芳散中林妍華易娛目馳景難處心努力盡  
春醕毋使年髣侵

酒間贈妹夫張次周

相習忘年歲飛光忽五十少壯一回首萬事皆昨日甞

勉相因依艱辛多惴惴中年築茅屋努力完家室綠沼  
明山樓田園豐芋栗日夕自傾壺東峰月初出祖德如  
源泉春流自洋溢膝前有阿寅齟齬挺慧質對客誦文  
辭向爺索紙筆即目有餘懽開顏遣愁疾誰同松柏姿  
長使髮如漆

訓劉公弼吏部

久客自成疾積陰況連朝欹側把書卷枕臥辭喧囂晨  
光喜清霽薄雲開層霄高軒肯回轍披帷相招要侗儻

數人物宵冥論風騷往者雕蟲輩接踵歸蓬蒿維公癖  
奇士腹中多賢豪予亦硜硜人未忍為斗筭望古報未  
逮違時甘見嘲海甸尚兵革何處容吾曹相憐殊造次  
行矣還林臯

重贈姜綺季

見君廣陵城憶別白門日江海雖倦遊老氣獨橫溢年  
來山水間頗得荆闕筆造次遺數紙觸手見超逸人生  
在風塵會合苦不一舟車或偶遭書問轉相失暑雨方



鬱蒸涼風忽蕭瑟悵此頻別離彌感歲月疾

廣陵值楊鄂州樞部

聞君在承明羔裘號司直篤義求友生抗言振邦國西  
南有鬪爭於法當討殛

聖世尚懷柔受詔使絕域樞部盛推引

天子動顏色親承丹陛語汝往罷兵革安南古交州君  
長世相賊蠻戰雖穴鼠其狡甚鬼蜮萬里若風馳片言  
弭反側即事徵遠猷賢勞厲百職憶昔枉短書慷慨叙

胸臆丈夫交有道相知非舊識孤蓬聚邛江岐路各南北平生萬古心欲言不可得惟應重良時風雨懷令德

送袁卓湄遊晉中

浮雲不得住薄言踰太行臨風會當發車輪轉中腸拙宦苦倔强爾我畧相當操刀不自割依人復何望邛江一月雨夏寒如隕霜隔巷頻枉存辛苦爭篇章向平婚嫁迫萬事貧可傷鳳凰求竹實鴻鵠謀稻粱氣類苟相感寧辭征路長

贈李湘北檢討

積霖浹宵晨江郭阻深淖所思不可接獨坐慨長嘯三  
復瑤華音深衷追古調校書在石渠雅歌奏清廟休沐  
富娛覽興發狎耕釣廣川收混茫孤嶼躡寒峭遊山想  
康樂驚人懷謝眺汗漫客蕪城望古一憑弔菡萏始敷  
花初日相照曜盛年奮逸軌誰能窮要妙

先太宜人改葬志感

古者不修墓矧乃墓屢遷宅兆苦非所大事多屯遭周

身未云美蟻穴突潛穿惴慄發幽宮  
骨朽松根纏譬人據蒺藜豈不思細  
氈揮淚易狸首改卜此新阡山川洵  
回互草木亦芊眠雪晴復暄暖杲日懸  
山巔親交來會葬車騎何駢闐刑牲薦  
椒酒林麓纍几筵雞黍養不逮椎牛紛  
徒然萬恨感既往吞聲還涕漣

陳九龍先生函丈

先生講學處  
在宣城雲山

大道浩難歸先民義不讓愛茲巖谷好  
彥會環相向講席蒼巖顛絃歌白雲上  
至樂遂忘疲荒榛得開初先生

所晏處數椽如斗帳維余先大父入室依几杖羣賢爭

豫附六經資保障

九龍先生  
有九經翼

至今垂百年顏構仍青嶂

風雨念飄搖俎豆屹無恙寸壤已陳蹟耆舊此瞻望後

來者何人前旌或可抗

東石埭姚六康

州縣徒勞人高流薄世事石埭神明宰溷跡仍孤寄君

看出岫雲不改巖棲志簿領閒有餘好古馳長轡盤饌

屏羶葷衣裳紉薜荔耽寂非逃禪清齋發深智方外締

素交耆舊忻把臂馳情春林壑復寄相思字殘照明江城獨鶴戛烟寺迢迢九子山極目睇遥翠

蔣虎臣修撰書至言得假遊蘇門少室諸山

平生金馬客愛隱不愛官黽勉偶一出沉憂紛百端引疾謝朝列奮策追林巒蘇門朝坐嘯少室夕盤桓直見古初人抗言披肺肝寄身好相勗營道敷宿懽連雨蔽白日停雲懷故山游子復當發踟躕行路難心思不能寐還抱尺書看

候風皖口

積年嬰物役窮老仍修塗津梁豈不勸山澤少寧居沂  
江汎輕楫上下隨鷺鳬解組賓客散所携數卷書坐臥  
日偃屈把讀忘飢劬古人涕且笑去我無須臾風波信  
屢淹羈慵心乍舒朝蔬飯蘆筍夕饌餐鱖魚獨歌進卮  
酒取懽不取餘轉恨囂塵間疲病無時蘇

同楊商賢秦淮夕坐

尊酒遂日夕詠言殊未終鱗魚新入饌非君誰與同此

地古笛步青溪迴檻中歌船歇繁吹楊柳來清風忽憶  
莊與惠悠然濠上翁

秦淮贈吳六益

時挈其子  
西峙至

王謝久零歇秦淮空水烟今日何覲會與子臨清川文  
詞勿復論相顧成華顛努力同心人置酒開芳筵輕風  
過高樹藤花墜我前書成會覆瓿誰識揚雄賢兒子日  
已長且願同歸田

石城贈胡曰從



驅車方北首啟途懷故山言就幽人居如遊林谷間佳  
木引修竹白日深柴關丈人年九十卻杖仍丹顏古篆  
破金石屈強蛟螭蟠授我枕中書大笑雕蟲言出門即  
鍾阜目送孤雲還

讀王元倬孝廉南陔詩

秣陵賓客地文酒相驅馳森然豁雙眼突見南陔詩君  
親結根蒂毛鄭滋風徽一唱復累歎朱絃有餘悲名德  
重徵士賢書舉明時公車數垂翅天步中改移衰白念

有母誓言守茅茨廿年不復出長卧鍾山陲怨誹衷小  
雅哀歌讀楚辭百家恣採擷真氣浩淋漓石城耆舊盡  
巋然一老遺扶杖肯出見古道欣在茲李郭存楷模黃  
綺看鬚眉自慚出岫雲仍受長風吹大道日蕪塞孤鳴  
來衆訾逝將倒我篋剖質開心脾臨發申短章歲晏重  
相期

王心齋

在昔王泰州椎魯世賤貧詩書不相識魚鹽為四鄰一

遊關里歸嶽立東海濱目無軒冕貴心與孔顏親春風  
開講席羣彥響然臻時有朱及韓朱白雲韓樂吾樵客與陶人  
聞聲各奮跡軒騰皆絕塵野雀化丹鳳一舉凌層雲如  
何纓紱士老死轉逡巡永媿此三老高視空八垠

董蘿石

吾愛董蘿石賦詩揚盛名聞道片言合折節師文成儲  
然斑白翁抑抑逾後生舊侶紛相誚抗言吾獨行自比  
出藩籠翔步摩高清適志豈無言浩歌金石聲長笑雕

蟲輩聚喙徒哀鳴

經兗州見刈麥

仲夏少行役四顧久延佇於時方麥秋田家懽舊侶農  
刈揮長鎌婦拾維筐筥詩人不我欺主伯及亞旅沃野  
皆平疇種多甘薄取未能肆人力所賴惟膏雨棄灰良  
可惜田功敢辭苦節取管商意富強豈小補驚禽思茂  
林遊麀思宿莽停策當言歸努力藝禾黍

叔父七十之辰在塗自責

閒雲朝出岫向暮歸故山慈烏急反哺當飢不及餐今日是何日遊子行未還爾少孤且病黃口惴不完育汝成羽翮風雨恩勤殫黽數十年忻戚兩相看後生多謬誤祿養百憂攢及茲介眉壽遠獨違衰顏忍心背親愛長驅狗一官七十古所稀歲月奔急湍懸知我諸弟稱觥競斑斕廣筵歌舞列笙瑟琴箏彈所期數朋舊永夕相遊盤却觴應北望悵遠懷悲酸侍側亮無補羈孤鶴長嘆憶昨出門時老淚雙丸瀾昔人薄三公但問心

所安負疚爾何為徒煩摧肺肝

有客

都下作

有客過我言問我何跼蹐長安諸貴人冠蓋日相索況  
子多舊游握手示肝膈高坐復何為沈吟暱逢掖感君  
意拳拳我乃江潭客疇昔忝京僚一出掃履跡公卿雖  
吐哺候閭已顏赤迢迢天際雲鬱鬱磧底石氣類本纏  
緜形勢自疏隔頗懼貧賤交爾汝相朝夕文酒張吾軍  
高言嗣往昔行矣班生廬干謁非長策

黑龍潭樹下晚集分得濁字呈龔大宗伯

是夕同  
荔棠顧

卷釋堂西樵周量阮亭次山

藥子鍊夫青藜陶季叔梁

長安車馬間何處尋巖谷  
竭來帝城隅突似春江曲  
方澤橫松林西山明竹屋  
晚雲薄絳霄浮動累百幅  
徙席藉芳草龍潭蔭喬木  
窟穴深晦冥麟角隱盤蹙  
感海桐鬱擁腫枯桑炯空腹  
水氣與林陰連天漲寒綠  
主人丘壑懷金龜換醺醪  
杯從魚鳥親耳謝箏笛俗  
明星懸樹顛宵鐘響地軸  
耆舊感漂蓬聚散如轉燭  
苦留永夕歡頗

嗔僕夫促妙理在春醪更酌不辭濁

程周量寓齋夜宴兼送蔡竹濤遊太原同用一屋

同荔棠顧菴繹堂周  
量西樵阮亭竹濤

鳥歸佳客集露坐散羈東爽氣同山齋秋燈照深竹冰  
盤寒蔗漿銀膾羅水族海嶠森入懷嵇阮紛在目却憶  
河上飲雪片飛蒲屋回首已八年流光逾轉轂永歎方  
夜闌離憂動心曲之子遊晉陽匹馬遠蹢躅石室辨奇  
字中條聳遐矚行役豈不疲吟賞意良足歸當解詩帙



共醉酒一斛

贈陶李

淵明恨生晚慨獨思黃虞詠言抒中懷自與詞人殊陶  
生豈苗裔憤俗多驚吁遠遊窮朔南述作勤舟車我友  
有楚狂高歌與之俱躡屩走京洛浩蕩如江湖不過五  
侯宅語默惟吾徒苦吟鮮貴士斯人老菰蘆鬱紆勿長  
歎還讀古人書

天壇

清秋就靈境芳草藹羊眠古松圍夾道長垣亘星躔遂  
造羽人居遠聞仙樂傳前朝肅典禮遺器存篋絃園丘  
峻穹宇白日生紫烟森然看絳節百神羅堦前齋厨七  
十二丹楹相接連郊宮含宿雨壇樹陰遠天中有白玉  
井清比惠山泉塵襟一浣漱消歇為之蠲北首瞻黃屋  
截葉浮雲顛却憶為郎日趨陪大祀年積雪夜方霽皎  
皎明星懸重來忽斑鬢駐策心茫然

與家研山侍御

吾家本東魯高弟列洙泗漢唐代有人家學未失墜我  
派分吳興山縣久憔悴雖嗜班張徒頗懷曾閔志晚歡  
骨肉情怡然若同氣平生羞傍人愛君執高義謹言天  
下聞抗聲非喜事攬轡遊河東太行挹空翠威鳳翔九  
天飲冰舊風味以余一日長垂老不相棄觸熱數過從  
將別還把臂蟄蛇與應龍跡殊心不異涼風吹綠樽爛  
漫取重醉

贈張一衡

閩海有畸人掉頭鄙凡語鐘呂雖雷鳴視之如土鼓縱  
轡走關塞倚棹歷吳楚客中誰與偕孤影時踽踽山川  
發竒懷獨鶴叫秋雨

贈同年季滄葦侍御

肉食廢讀書閭陋等蟻蟻猶言經世務章句所不屑吾  
友柱下史好古劇搽擷藏書癖宋版列架與山埒蠹簡  
愁漏遺手自補殘缺雙燭大如椽午夜哦未歇薈蕞成  
別編胥鈔罕停輟累疏言大事觸忌摧才蘖一斤旋賜

環小挫氣不折請揚舊諍臣面陳詞敢決

天子為動容特詔收喉舌巖穴有遺民

謂物色沈微居及覬遺杜茶村

孫豹人

惠好肯折節誰無橐中金少此方寸熱阿兄故給

諫

謂天中

批鱗尤激切謫遣不生還骨鯁日星揭安得返

鯨馭臺諫俱朝列因君感既往發聲重鳴咽

將遊嵩嶽留別都門諸同好

青嶼荔裳顧菴繹堂西樵周量阮亭康成

陶季莪眉蛟門石林

富貴非我懷慨焉企高蹈京國偶羈棲相憐為同調文

酒連朝昏屨舄每顛倒欲別重拳拳白頭不忍掉秋風  
感客心言歸肆遐眺曳我舊芒屨薄遊問嵩少名嶽領  
中區元氣羅衆妙商飈景物清蒼翠相照耀齊心躡往  
蹟猿鶴或前導中峰有絕頂凌雲踏奔峭俯探二室幽  
坐對三花笑要期接至人靈境不虛到澄曠詣賞心詠  
言託微好惟應憶故歡回首一長嘯

塗中寄王西樵考功

素風日零歇望古獨慨慷夫子義皇人披豁懽吾黨隋

苑發長吟吳山蘊幽賞涉險塗愈亨任真道彌長溫厚  
矢德音喧囂厭塵鞅送我嵩洛遊激昂厲奇響傾身存  
故舊野性畧疎莽越陌屢談讌祖席重悵惘日暮多悲  
風天寒怨河廣見月長憶君光輝共清朗

寄阮亭農部

歸鞅越郊圻離思盈襟袖所思瑯琊客矯矯金閨秀疇  
昔官江南京峴地輻輳一日命舟車題字滿巖岫郎署  
歷清曹藝苑日蒐狩昔為山水音今為金石奏結情江

海人晨夕苦暱就開心相可否磨切肆討究客子棲京  
華舉動見窮陋解官無長物未足成瑕垢時俗或揶揄  
君收若蘭臭讀我賣船詩慷慨書其後大張廉吏軍抗  
聲告耆舊杜陵與道州千載復良覲安得駕赤螭與子  
同馳驟

蘇門山

尋幽無遠近在險必攀踐茲山接郊坰靈異天下鮮仙  
臺冠丹岑列館叢碧蘚來者若有遇往蹟詎可辨林端



虛白生下見水清淺荇藻舞連漪雲嵐靜舒卷澄波平  
百頃倒影涵絕巘懷道企李邵多才惜嵇阮逝者不可  
追清歡孰與展遲回川上歎白露忽已泣

望少室

晨興出東郭秋霽開心顏高阜一回首爽翠飛巉岼三  
花信有無碧樹森琅玕前峰復中斷白雲時獨還巖戶  
深且阻峻坂何險艱逝將凌玉嶽騁轡無翔鸞延睇如  
藐姑綽約青霞端

登太室中峰

壯士貪名山如海吞百川東遊臥日觀羲和親比肩南  
使經衡嶽霧雨悵遷延近思太華頂遠夢崑崙巔嵩高  
在睂睫振策窮攀緣詰曲蛇逕緬幽陰熊館穿冉冉極  
天際舉頭觸星躔宅中環四嶽一氣何盤旋風雨鬱交  
會蛟龍走連蜺樹杪忽橫練坐見黃河懸窈窕擣衣石  
淒清玉池泉引領眺箕穎巢許方陶然辛苦茂陵客壇  
時飛荒烟有為終滅沒瑤玉空雕鐫帝休昧珍木

帝休木名

服之使人不  
怒見山海經

石室閼誰傳長憐肉食者虛無求偓佺

嵩陽漢柏

舊三株相傳漢武封三將軍大者圍三丈五尺次者  
三丈昔人謂在漢已封當是殷周時物丁未冬火其  
一矣怪時人無敬護者剝膚穿腹行就摧朽故作詩  
傳諸父老

海風折若木陰火炎崑崙天地幾反覆礪砢君獨行嵩  
高護勁幹河洛滋靈根鼎立勢犄角鍊積藏踵跟彭亨

腹臃腫攫拏枝騰騫平岡溟鵬奮白晝蒼龍蹲韶濩時  
鏗憂日月為吐吞漢武昔封禪雷殷萬乘喧維時盛宮  
觀金碧被丘樊上撐珠殿黑下陰翠華翻天子動顏色  
錫封匪濫恩陵谷改朝暮連覺無寸垣數千年碩舊惟  
爾留中原前有開元碑巖巖立軒軒其辭出林甫穢瑣  
不足論典刑爾獨古正氣司乾坤岱松大夫輩俯視成  
耳孫自非闕里檜不肯讓稱尊豚酒勤父老叫嘯來鸞  
猿其神長數大建纛擁朱旛左手佩鉞斧右手垂橐鞬

出入衛中嶽自稱臣大藩古道日隕替瓦缶看璵璠我  
來肅長揖將軍向我言余已經百戰鎧甲攢瘡痕近曾  
決劉項遠則從軒轅小人不解事黷恩羣攀援剝膚肆  
剗剗受侮心煩冤帝怒命祝融收一先燒燔吾儕逝當  
化蜿蜒升天闔子頗識文字為我紀混元杜韓不再出  
製筆誰飛鷗再拜陳荒辭風起黃雲昏

夜讀葉井叔明府詩留別

葉秀水人阻亂家  
黃州有越吟集

悲歌不能長狂歌不能短越人作楚客涕笑腸堪斷手

把瑤華贈耳激清商管識曲憐新懼歸驂為君緩昨攀  
太室峰白日如玉盃雲樹紛青紅上下秋色滿之子方  
入洛天地不同盟良會復何期離憂積山館

過箕山

四嶽薦有鰥歷試徵厥德許由何如人揖讓乃孔亟洗  
洋漆園語後世爭耳食荒墳終茫茫萬古誰能識潁水  
今清冷箕山多傲色擲瓢與洗耳音徽如可即長嘯凌  
崇岡清風翔八極

石淙

谿衍交磧底箏瑟響林表誰使尋丈間殫茲開鑿巧水  
石相盤紆眺聽忘昏曉清飛玉井寒綠割湘潭小始至  
駘嘈呖靜對歸窈眇飲流睇猿挂劃沙見虎爪靈異漏  
水經境幽來跡少庶幾箕顙徒與共觀魚鳥

送高阮懷入都

春風正駘蕩驅馬言北征清時尚文治對策收董生叱  
咤翔藝苑俊偉傾公卿富貴不足言鬱紆傷我情與子

平生交篇翰紛縱橫仙嶠窮閩越日觀攬蓬瀛所至必  
有作慘澹爾經營懷愁嘯哀欬奮舌吞長鯨慨欣相倚  
藉如鳥諧嚶鳴家居牽百事旬月曠逢迎在近且契濶  
去遠誰合并願子好自愛流聲傳帝京

聞伯璣訃

時西江陳士業熊雪堂朱遂初  
李梅公徐仲光諸公相繼卒

貧病煩愁思生理久難恃浮名竟何為吟嘆坐成死白  
日暗匡廬悲風激彭蠡西江數耆舊接跡奔蒿里稚子  
當何依殘篇逝誰理平生八口憂此日君都已空令故



所懽白頭哭江水

哭吳在心

君赴學使者試父卒於家積哀成疾

瓊樹寒將華春風忽吹折蕭艾一何多蘭蕙種幾絕之  
子至性人孝友心力竭鬼伯故乖離父死不相訣  
樽哀摧中腸纏疾紛百結遂令千里轅啟塗行已輟  
夙昔善文辭青衫一鳴咽九原逢二親相看淚成血

學餘堂詩集卷十

欽定四庫全書

集部

學餘堂詩集卷十一至  
四

詳校官檢討<sub>臣</sub>劉錫五

助教<sub>臣</sub>常循覆勘

總校官庶吉士<sub>臣</sub>何思鈞

校對官中書<sub>臣</sub>方維甸

謄錄監生<sub>臣</sub>吳振興

欽定四庫全書

學餘堂詩集卷十一

翰林院侍讀施閏章撰

五言古

書懷

賓客滿四座終歲罕獨閒浮名促疲疾罷組仍糾纏道  
廣良可樂物役傷徒然窮居易資給少賤嘗灌園稔歲  
有留儲俯仰樂當年老願息舊業衡茅營數間盛夏面

林陰凜冬就朝暄琴書從所好周孔有遺編素侶偶斟  
酌白雲開前山此志遂何日託詠舒襟顏

仙源胡白水校書郡齋

營道今寡黨世事薄好爵安定有詰裔望古獨棲託居  
閒慕箕穎抗跡躡濂洛偶讀郡齋書冥心成屈蠖五經  
何紛綸羣言恣斟酌春風吹我廬堦前爛紅藥伊人不  
相見室邇悵離索

携酒酌張菊水

張坐事  
奪官

窮交纏坎壈卑位含瑕垢歎息申椒芳一刈同梯莠往  
事洵難追袖短露兩肘壯夫能任達解顏懽舊友急雨  
過高城返照明西牖通塞誰當知平生一尊酒

劉伯陽先生墓下作

先生諱光煜閨章八歲時受  
業師也酷貧力善卒無後為

葬之先人墓左翼  
歲時共饗祀焉

荒墳蔽豐草下拜一沾臆齒齡憶受經百戒夫子力言  
笑無戲豫學書必端直匪亟禦童心束躬自繩墨時俗  
薄踽踽多艱推令德默婁婁不辭伯道痛何極黽勉一

杯土宅我先隴側曰維余祖考故舊好相即勿懟無忝  
嘗薄薦歲黍稷短碣留墓門千春有人識

書文杏菴壁

山寺俯寒塘古木散清樾霜餘竹影疎客到鐘聲歇浮  
雲相與歸羣岫見毫髮日暮思抱琴弄此崖際月

行役至城南雨宿田舍

重雲翳晨景寒雨沾我裳山潦蒲谿谷咫尺阻相望出  
門即客子誰謂非他鄉踟躕就野宿篋簞施中堂四方

餘夙志繁憂安可忘大火未西流輕颺改素商但令歲  
母晏寧辭征路長

聞龔宗伯病劇

浹旬鬱不歡書來自京闕秩宗魁壘人抱疴淹日月任  
重紛艱虞憂多促齒髮累牘請賜骸陳情劇激烈

帝曰余股肱眷賜及藥物溫綸重纏綿中使無斷絕公  
卧且稽首稱謝語哽咽

主恩洵無涯臣力何由竭秉軸徧諸曹補衮義亡缺羅

欽定四庫全書

學劍堂詩集  
卷十一

三

才八紘盡渴士九州悅

公嘗三主禮闈又  
屢請廣取士額

未應參天材

盛夏愁摧折昔酌黑龍潭更闌吟不歇錄別詩四章使  
我心百結荏苒歲再更耆舊成騷屑安危繫公等惆恍  
意難輟

感興

昨日非前日今日異昨昔馳光策顏齡如不遑朝夕衰  
至愁思併年往懽情擲人生信有涯五十已為客但惜  
聞道晚寧辭髮早白撫琴聊獨歌驚飈拂庭柏萬事有



凋隕何況非金石薄言刈萱草織為忘憂席

行經三谿石壁

時江羅公守郡時書山高水長四字

抗策凌峭緬秋霖方滯淫輕颺扇微涼亭午蕩層陰上  
有千仞峰下有百尺潄飛泉瀉叢薄百響騰崎嶇既中  
清商曲還傷遊子心嘒嘒玄蟬息噉噉哀猿吟昔有伶  
倫客眷言山水音道遠誰見錄寂寥故難任撫絃發孤  
唱日昃寒巖深

旌陽追哭杜朋李

孤桐一何直猗蘭一何親苦心執高義拳拳見斯人斯人不重見涕笑誰為真平生愛巖穴經籍談紛綸嬰疾既已疲好古不謀身當塗爭折節結念惟隱淪懿茲握中璧奄為泉下塵

吳孟舉見寄舟行日記有述

歐公志于役放翁作蜀記即目散羈懷繁簡撰各異吳子閱閱人江海頗高寄家有積書巖園多種竹地遺詩表宋元斷簡無失墜

吳刻有宋詩鈔

鼓棹入京師萬卷悉相致

摩娑石鼓文時把公卿臂碎琴都市間十千取一醉興  
盡遽歸來輕舟北風利河水沒荒城霜鐘寒遠寺時為  
漁父吟一寓滄洲意長嘯多憂懷深衷見瑣事近日王

平子

謂西樵阮亭兄弟

京輦論文字風藻盛推君吳會資鼓吹

雙魚來石門瑤華慰離思三歎書紙尾一附臨風翅

### 浴湯泉

黃帝鞭赤龍銜珠地上走長驅暘谷水獻沸成仰漏其  
下惟丹砂百靈司左右憑欄如蹈空解衣若飲酎濯物

不辭污懷新無宿舊隨意稱暄涼齋心得枕漱掩蓋交  
藤蘿暑寒改氣候旨口試蔗漿竟體沾蘭臭三浴入毛  
髓自祝或眉壽靈域局萬山車騎罕暱就猶嫌礪石泉  
薌澤染紅袖驪山溫泉貴妃浴處作詩銘仙都長使神蛟守

鳴絃泉

太古無絃琴片石橫絕壁時俗昧文辭風泉自憂擊山  
中秋雨多松際寒雲碧昨夜復何人數聲吹鐵笛

登老人峰

與蓮花峰近

觀化百代後獨立萬古前時時嵐霧裏濯濯冰雪顏俯  
首見白雲舉首見青蓮軒后既冥邈藥鼎空聞傳竦身  
躡峰頂把袂親拍肩欲語若凝睇夕陽在前山為問容  
成子螭駕何時還

雨止登煉丹臺

巖秋劇凜冬夜雨颭飛霰簷際青蓮花

蓮花峰  
正相對

曉起橫

匹練忽如丈雪深戶外看不見圍火爇松根縮手謝書  
卷向夕一開霽風吹裂雲片倒影射丹臺四山紛素絢

仰矚天欲翻俯窺谷彌眩羣峰盡骨立拔壑起峭蒨  
影標浮屠銳形躍長劍回巒競侍從羽騎森飛戰惟餘  
九龍峰輕綃隱半面舉踵狀候移倚杖晴陰變軒后事  
渺茫百靈環繾綣懷新矜異賞憶往薄曩美始知風雨  
心留余究美善

自西海門登始信峰至石筍砭作

漢武企蓬壺謝客思廬霍崎嶇此層嶺倣詭難可度獅  
巖既踳蹶九龍復回薄邃壑開虛無海藏失局鑰珍貝

堵中陳鯤鯨谷底躍馮夷破幽宮白日逢不若連巒蕩

層波危嶼竦丹雘人烟乍晦明緬睇辨山郭迴策磴屢

紆孤峰吐岵嶢策看野猿供碁見仙人博圻峽斷谿

孤松橫略約

引有接松

峰頭石室存鐵壁成斗削長江練一

縷九子蓮纍萼俯窺散花塢丹黃紛漠漠延賞垂旻景

石筍驚解箨萬指攢青冥高撐各鋒鏑其旁無附屬兀

暮露斷齧瑤樹作弁蓋鮮雲裊綽約造物何狡獪巨靈

苦剗鑿苟非馭風人實恐山鬼攫挾險情自移采真理

無作逝將餐菊英重來躡芒屨林峰不我嘲當果浮丘諾

南村贈許青巖

借問南村叟何如許叔重堦前繞叢竹林下緬幽蹤平生慕遊俠垂老守章縫詠言歸黃海登三十六峰遲暮篤鉛槧蒐討無春冬既嬰丘明疾彌安原憲窮誰能辨耆舊寒谷有青松

歙城傷二友



汪明經文岫

文章皆長物夙昔獨古處步屨數招隱忘年懽爾汝逾  
耄道終窮一抔事未舉鉛槧委飛埃山園成宿莽

吳文縣右舟

延陵本世胄修髯氣卓犖遊嘯娛園林文酒歸京洛局  
篋有遺草殉官無留橐山水若平生勝事已零落

海陽施虹玉來問學

薄遊紫陽山突見吾宗秀矩步維先民彌縫數耆舊衣

袖裏餽糧風雨趨俎豆抗陳濂洛言直鄙揚班陋怒予  
忝祖德勞子屢虛叩策驥取修塗千里貴馳驟努力早  
升堂拳拳此良覲

寄答孫鍾元先生見懷

薄遊嘯臺下言登君子堂浮雲翳高樹商飈動微涼披  
帷恨已晚執手意何長良會改疲疾坐語傾中腸歎曲  
重平生惜別非河梁歲暮入我夢望遠一沾裳端坐讀  
君書示我維周行間關二千里晨夕在君旁亡羊苦岐

路大道成迷陽天留一老在九十誇身強努力馳修途  
並駕同徜徉

擊蛇行

南山鴨脚樹輪囷逾十圍腹空五石餘穴暗不可窺長  
蛇營窟宅盡室潛來歸憑陵長子孫吞噬飽甘肥吐氣  
或如縷神怪疑蛟螭豐隆乃赫怒霹靂俄一揮其豪折  
巨顙樹剖血淋漓羣族相枕藉京觀等鯨鯢破卵餘數  
百纍纍腥山陞父老皆憤歎爾曹罪當治穴藏逋累歲

破滅終一時誰為執法者明斷如雷師

送唐寓菴使君入

賀兼憶沈康臣舍人

青桂始敷華芙蓉被秋水天氣吹客衣星輶指

帝里五歲四行役勞臣無息軌拜舞趨

彤庭行歌滿燕市京曹多舊遊契濶羅尊簋我友沈隱  
侯飛藻金門裏瑤華叙繾綣灑落竟長紙會合當何時  
少壯難久恃回望西北雲三歎不能已

陶氏山莊

崇岡四回屬中野開原田林塘鬱相錯墟里暖人烟百  
年無旱歲感涕有靈泉桔槔不復施溝洫自緣沿種穀  
間薑芋巖麓餘茶園石樓坐寒翠羣岫來樽前踵舊復  
締構塗墜完且堅逍遙樂志論省曠閤居篇苟非執高  
軌飽食寧足賢

感事

屏跡傍東郭敝褐守蓬軒叩門遠來客憔悴多苦顏黃

鵲乍垂翅顧我難為言造次不相識慷慨心相憐脫贈  
一無有腸回岐路間虞卿急士困相印為之捐為謝多  
金人留眼看豪賢

薄遊

汨汨歲將宴出門何行遊歸雲翳層坂落葉悲寒流達  
人有哀樂牖下非所謀安能事瑣屑坐愁成白頭玄鶴  
夜孤唳矯翼凌江洲行行無所適駕言散百憂幽興有  
時盡還轅息故丘

壯丁篇

爰爰置中免強言南山虎身毛非健兒作使充軍伍里  
正倚府帖論戶不論武東隣老寡婦獨子年十五子母  
共一身懷抱勝嬌女丁簿故添名弱肉供吞侮報十不  
報一顧盼分去取秋藤蔓不長孤兒出無侶骨肉愁生  
離吞聲淚如雨

古興一首示所親

嫋嫋百尺藤冉冉依喬柯青蒼蔽日月花葉相婆娑有

鳥巢其中託身無網羅網繆良得所所患天風多喬柯  
有時折藤蔓將如何

寄王臨江端侯

先是予參藩湖西久  
駐臨江王為郡守

故人念野老寓書雙淚流我發故人書臨風搔白頭借  
問何以爾同心憐匹儔臨陽久凋瘵拱木生田疇遺黎  
鳥獸走村落成荒丘爾我中腸斷辛苦為網繆我歸君  
雨泣五載懷百憂流民起溝壑逋賦寬徵搜江城橘柚  
中父老行且謳遙聞一撫掌何時復同遊多慚仁祖意



為我饗飧謀懷惠豈小人念君無儲留考功尚能績循  
牧多沈浮緘書告憲府廉吏今難求願旌潁川長一使  
蒼生瘳老病報疏賤倘納芻蕘不惟餘杜陵叟高頌元  
道州

臘八日報恩寺遶塔

同張南村黃俞  
邵王安節諸子

長干崇梵宇始基吳赤烏有明增式廓巍煥甲中區佛  
火亂列星高標奮浮屠窮年無暗夕臘日傾東都既欣  
冬夜暖復懼良友俱襍被憇精舍香飴飽伊蒲向暮忽

雷動萬衆聲喧呼旃檀累平地燈燭耀天衢摩肩紛喘  
汗羅拜充殿隅我來亦三匝勝事不可孤高下響魚磬  
鼓吹繁笙竽循欄出翹首萬仞殷珊瑚九層燈百八一  
一隋侯珠雲月共澄鮮綽約懸冰壺琉璃炫金碧河漢  
青芙蓉百神或圍繞諸天來有無爭傳函舍利白毫光  
氣殊歲時一涌現萬口同驚吁文人誇遘遇長歌仍大  
書錢宗伯有塔光詩此願起阿育神力當護持胡為時破碎霹  
靂驚太虛康熙間嘗兩被雷火輒有異人修治浩劫絕思議奔走愍羣愚

凌晨嗽茗粥紀述慚粗疎

登普德寺後山

精廬興不盡穿竹躡崇嶺近扼鳳山吭遠撫鍾嶽頂  
龍蟠自形勝王氣久凋隕三山沒塵埃六朝迅俄頃  
巍削象天闕浮屠虧日影石城何逶迤江流逝方永  
虛無指鷺洲烟靄失漁艇朔風萬里來亭午衣裳冷  
達生齊彭殤適蹟企箕頽城郭百萬家攘攘幾人靜

日月逝酒漿

五字古篆見莆田城西水磨間世傳為仙書閩人宋  
比玉摹勒以傳謂非仙者弗能道也味其言竦人心  
骨詩以系之

萬古相促迫百年無須臾請呼心所懽置酒相遊娛宵  
歌未終曲日出東南隅沈沈蟬聯客歲月此中徂田竇  
刀俎伏阮嵇禮法疎白髮不逡巡百計難驅除揮戈力  
莫挽變老術終虛惜陰却儀狄八載安飢劬爵飲限有  
定運甓亦良圖酒誥良可讀醉鄉誰當居君看羲馭速

還肯稍踟躕

遙送程湟榛出守桂林

信美金閨彥五馬驅天南振策過衡嶽鼓枻浮湘潭題  
字破崖蘚覓友收瞿曇荒驛罕徒旅空天雲樹參疊嶺  
鬱叢桂千章間山楠山川紛殊詭乍見人未諳突陷成  
杵臼欹銳為圭簪寒星落巖戶羽客棲洞龕灘江下陽  
朔水色逾蔚藍之子騁詞翰如葉飼飢蠶瘡痍愍蠻嶠  
雨露好濡涵簿書綽游刃登望性所貪青郊時露冕斗

酒携雙柑婢媛有山鬼大笑使君酣昔人憂瘴癘今日  
美烟嵐地氣喜更變方物資搜探四時綠葉暗九月春  
華含我昔遠行役有作留二三鮮蝕倘未盡和歌爾我  
堪誰憐阻江介不及追征驂

楊商賢力疾送別至流涕

喜聚翻涕流悵別復垂泣貧病傷心人後會知何及公  
卿多舊遊梗概餘骨立平生不言飢老去百憂集家山  
歸恨遠橡栗臥難拾殘草留蒲羸汗漫當誰輯遊子感

悲風為君雙袖濕

重過徐田東河亭

河館託幽棲不遠車塵路大書曰孔廬所言非世故連  
章述祖德懷秋訴孺慕我廢蓼莪篇觸此淚如雨時攤  
一卷書獨撫中庭樹庭樹皆古顏連蜷攬烟霧清懽收  
素交披帷散中屨命酒贈江鱗烹葵飯霜芋白水照疎  
籬寒雲自來去

訓歛浦汪扶晨

天都聚靈異雲物相因依振策有超領層峰徒侶稀美  
人家谷口亭館青霞飛回岡藹高樹幽磴流清暉室邇  
阻良靚涼風吹客衣歲月屢迢遞握手陵陽陞眷言叙  
情愔蘊懷彌渴飢哀輦警郊壘積雨沒江蘼纏綿谿上  
酌汗漫丘中期招隱儻可和長嘯同巖扉

避兵塗中作

築城築衆志聞難翻棄置爭言鋒刃來剽悍捷奔駟俘  
掠空井閭萬屋供烽燧比戶竄無人羽檄仍疊至吾廬



負東郭曲徙媿早智妻孥中夜走身外皆委地萬錢致  
一輿千錢謀一騎月黑山竒歛十步九顛躓悲風作鬼  
語膽落不遑淚遺我守敝廬校檢及家事平生所拮据  
聚歛苦文字狂貪戒速成紙墨闕詮次浩汗懷千春一  
朝成失墜樓頭復何有藏書盈列筭乾坤劫火時此物  
亦餘累定分看浮生福極何就避

谿頭行

地在宣城之水  
東有谿頭梅氏

我生三避寇川陸窮躋攀臨谿好親舊要我松壑間中

夜呼亞旅把炬來牽船入門雜涕笑黽勉同飢餐哀楫  
相倚藉十口棲半屋諸弟各星散道阻看烽烟未知誰  
樂土析處圖偶全晨興陟岸阜顧望仍獨還沙鳥自羣  
飛白雲翳高原憂來難坐臥俄頃數遷延始聞潰饒嫠  
倏駭蹂新安寓書問城市翻畏消息傳往者歲乙丙寇  
盜如蜂屯盡室此依託聞難還宵奔赤身臥巖塢斜倚  
秋樹根巉岼犯猛虎叫嘯聞哀猿回首三十載舊淚重  
潺湲

石龍村

谷口一村成逕轉千巖內灌木交層陰到門失向背林  
表清光來坐看石龍對山根豁虛無豁訝通地肺神物  
蟄修鱗出入晝冥晦崖戶礙樛枝觸髯紛隕碎憩息謝  
炎燄凜冬蒸鬢鬣靈液自千春南畝資汪濊居人耕且  
獵視虎真鼠輩雞黍苦留客聞亂相盼眎終當巖穴遊  
陶然悟所退

三君詠

孫徵君夏峰

故明孝廉累徵不出著書終老於嵩洛之間

徵君厲感槩抱書嗣微言九十真帶索肥遁餘丹顏執

經纓冕集却幣丘園閒長吟伊洛水永嘯蘓門山

所著  
有理

學宗  
傳

魏光祿環溪

志行磊砢以太夫人老得請終養里居講學

黃門介特人掉頭少所向補闕憂素餐陳情急歸養詞

翰見清剛出處崇廉讓大隱朝列間逝志層雲上

張學士簣山

拾吉州諸儒前緒在官踴躍以廷諍被謫明旦遂歸

學士早宦達營道愁歲宴退直自掩關守官無兼饕高

軌躡三羅直聲齊四諫彤廷夕謫歸祖帳就晨餞

公嘗言吉

州三羅文恭文毅一及第後並有浮雲富貴意文  
莊獨坐小樓二十年兩起尚書不赴有樂道高風

除先墓棘蔓

經歲一省墓下馬雙淚痕曠如遠遊子累月違晨昏棘

蔓爾何族憑依來墓門山靈不擇物蕭艾良並存曰茲  
棲正直蕪穢傷心魂不敢冀芝草薄可滋芳蓀恭持剪  
伐意流涕詒子孫天道靳美好含情難具論

敬亭精舍夜坐

谷暖眷新綠林芳紛紫茸振策茵閣外頻看雲壑重客  
歸暮鳥還日落春山空皎然見晴雪片月臨中峯江城  
入杳靄松竹交微風靈異辨髣髴延佇開心胸夜涼耿  
不寐天際聞疎鐘

半畝園詩贈柴丈

南望清涼巔北枕清涼尾高齋木葉疎四山茅屋裏微  
雲拂林麓澄綠如春水於焉獨棲嘯洵美中林士出語  
成積雪冷然濯心耳墨汁灑長牋五嶽歸十指疎雨鳴  
竹陰中夏涼颺起重來皆老蒼歲月一何駛

江浦留別王白虹明府

山際有孤雲風吹渡江徼搖落逢故懽纏綿同一笑文  
園方病起強飲不成醕開筵臥榻前華燭宵照耀長嫌

墨綬苦遠憶嚴灘釣夫子虎嘯人滿眼誰同調在昔遊

金門儕輩年俱少是時張侍御

捐張雪岑

高歌數相召旗亭

競作達文酒紛叫嘯羞為轅下駒矯若經天鵠浩蕩垂

二紀舊遊疾如埽章江與歛浦相左枉蘭櫂有懷頻寓

書離愁不可療我來三日留巖壑領清妙濯纓湯泉隈

振策定山嶠登涉費盤餐恨不同登眺中原方沸爭萬

事罕前料此別會何年寸心如野燒努力愛平生舉步

愁奔峭君為北溟鯤余作南山豹



薄遊

白鶴棲中林踽踽久不飛  
匪為飢與渴中心鬱以悲  
矯翼翔八表烈風行未歸  
志士尚遐矚努力及良時  
滄浪方橫流後遊安可知  
遲暮思故懽山水懷清暉  
常恐隔軍壘一步成邊陲  
逝矣將息駕自昔知我希

客誠

時被賊據處多兵禍故人  
有危言促余卜居金陵者

事變成飄風煩憂忽已老  
客言既陰雨綢繆何不早  
君看鋒刃間能復幾人好  
縣小如釜魚山深亦籠鳥  
公私

爭啖食室家不自保金陵百萬戶蹀血古所少買宅且  
羈棲羣盜緩俘標君計良瞿瞿四顧無良圖索無千金  
裝上士等羣愚驚禽無安巢瘦馬無修塗將從詹尹卜  
策駕立踟躕

修復依仁齋紀事

有序

地在上元縣北耿公祠後焦文端公竑所築以館來

學中祀祁門陳九龍先生

諱履祥字光庭為羅時江高弟從祀門人

十餘人先祖實居其首

諱弘猷字允升

垂五六十一年守祠者

鬻為民居閏章白於官贖之憲副金公鎮為解俸佐  
厥役於是修墻屋置龕主展祭而去更擇守者勒石  
告後人俾無侵廢恭賦短篇

昔明隆萬間講學崇京師秣陵實舊京公卿擁臯比耿

楊湛鄒祝

謂耿天臺楊復所湛甘泉鄒南臯祝無功諸公

後先輻輳時主者焦

翰撰墜緒手撐撐延納如大海衆流為之歸闔宇清涼

臺

耿祠一在清涼山

葺館北山陟洙泗邈難即流風儼在茲翳

我先大父發憤起布衣抗聲相問難折角羣公推文端

肯暱就懽好兄弟為依仁有別業衡宇接耿祠遊處累  
歲月當日稱陳施既沒則俎豆從祀主累累庭宇四五  
間逢掖紛追隨典型忽墮地居守知阿誰鬻屋燔木主  
存者字迷離萬事多反覆遺構委蒿藜嗚呼文端澤可  
嗣不可隳廓清復舊觀大書峙豐碑努力慎此日要以  
千年垂陵谷改俄頃天壤餘音徽酌酒念祖德踟躕還  
涕洟

學餘堂詩集卷十一